



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 63. Rex de suo parricidio Reginam certiolem reddens.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI.
A.C. 1587.

tur, subire cogebantur: Pericardus vero, qui Guisio Duci a secretis erat, in vincula conjiciebatur, submotis omnibus illius scriptis, inter quæ plures reperiebantur literæ, quibus Ducis confilia tam intra, quam extra Regnum agitata manifestabantur, præter indicem pecuniarum, quas ab Hispanis recepisse, atque ultra vigesies centena aureorum millia fuisse dicitur: insuper sedulo, incassum licet, in Rhodanensem, Convenensem, & Bonnoniensem Episcopos Cleri Deputatos inquirebatur.

§. LXIII.

*Rex de suo parricidio Reginam certio-
torem reddens.*

Thu. l. 93.
Davil. l. 9.

Vix Henricus Guisii Ducis sanguine manus suas polluerat, cum illico cubiculi sui portas aperiri juberet, atque alta voce coram omnibus tum ingredientibus diceret: „Nunc demum volo, ut a subditis meis pro Rege habeatur, mihiq; obedientia præstetur, nam si rebellium capita plectendi animus mihi non defuit, certe cum majori securitate ipsa rebellionis membris castigare audebo: nunc non modo vobis, sed reipsa Rex sum, nec mihi difficile erit, gladium stringere, quotiescunque mihi libuerit.” His itaque verbis

verbis commotiori animo prolatis postea ad Reginæ Matris suæ tum ægrotantis cubile descendit, eidem, quid attentasset, nuntiaturus. Hæc quamvis rei prorsus esset ignara, de illius tamen atrocitate parum exterrita videbatur, ac vultu nihil immutato, animoque satis tranquillo, unice a Rege sciscitabatur, an is, quinam motus ex tam inhumano facinore orituri essent, satis animo providisset, & in omnes casus negotia sua disposuisset? Ita, respondit Rex, „abunde provisæ sunt omnia, de hoc „ergo haud sollicita sis: adhæc Regina unice subjecit: „eo melius tuæ salutis id „serviet, Deum vero precabor, ut cuncta tibi in bonum vertat, quamvis de „hoc valde dubitem, nisi prompto, & „forti animo rem prosequaris.„ Eodem momento Rex Missæ sacrificio interfuturus discessit, priusquam vero sacellum ingrederetur, Revalio, & Gondio Cardinali negotium dabat, ut Morosinum Legatum adeuntes eundem de causis, ob quas Guisium Ducem e medio sustulisset, edocerent, eidemque Legato fidem facerent, quod propterea bellum Calvinistis inferre, minime cessaturus, sed potius omnibus viribus illud profecuturus esset.

Sæcul. XVI.
 A. C. 1588.

Vitæ Card.
 Moros. l. 3.
 c. 16.